



林生隨筆 卷三四

1冊 5  
457  
2







椒生隨筆目錄

卷三

日記

論將

金牌鋪題壁詩

壽陶宮保

黃仲則詞

秦謙

鍾學士疏語



論捻

輓陳二山聯

詠錢串子

求官詩

女戎

而字

張文端楹聯

戒洋煙詩

李密不矜名節

論士大夫

眞總督

禪機聯

年大將軍詩

胡文忠撰聯

徐樹人中丞

論流寇

茶亭飯肆聯語

聖祖賜聯



北音無入聲

駱顛門制軍

剔牙籤

黑相公

野戰

湖口昭忠祠

李次青方伯四六

楊忠武公

童夫人

陶詩

四嬋娟

日本停殉

姦好

嫁

寓直

蒙古非元遺種

曾文正致弟書

打踉



老物

俗語有本

人情三反

張蕭亭

卷四

自警箴

十分本事

勝克齋宮保

香奩雜詠

治回良策

湯海秋銓部

林文忠語

閑談可作楹聯

觀書類悟

趙部郎

黃公疏語

得人

水龍



張江陵

老頭兒

鏡花緣

甘肅需次詠

勝敗

秦檜無後

軍營積習

忍

廬州人物

詠太宗

傲骨

獨睡丸

慈訓

祁方伯

嚴西園語

臺諫取貌

無雙譜補

楚北無雙譜



三二陸三王衰

黎中丞聯

衢州聖裔

本朝進士舉人之始

六語

朝鮮始末

周元錢

張仙

俄羅斯通中國之始

竈神

東南民力之困

姓氏辨

古人名氏



椒生隨筆卷三

清泉 王之春 爵棠

日記

予日記晴雨及瑣事人非笑之嘗觀 國初周文襄  
 公固刊有日記十數卷其敘事略備後親見曾文正  
 公亦手書日記蓋公才識固優於人其勤慎於公事  
 蚤起晚眠具有恆心實非人所能及者公在任時月  
 置一簿自書日行纖悉不遺每日陰晴風雨亦必詳  
 記人初猶以此為可已者一日臬司詳稱某縣民告



糧船江行失風京控一案公察其失船爲某日午前  
午後東風西風詞情兩歧公一一批駁其日時風候  
讞官驚服從新翻訊詐遂不得逞觀此則古人亦嘗  
爲之惟予不能如文正公之有作用耳

論將

太公曰存亡之道命在於將後世多委之功勳之胄  
而廉能勇略者不與焉此輩習統袴而厭膏粱詢以  
韜鈴不知何物目未辨旌旂之色耳未聞金鼓之音  
身未經鋒鏑之交足未履沙場之地易曰師貞丈人

吉而以弟子主之能勿取輿尸之凶乎太公爲逆料  
語而真切如此或太公前已有此一流人物

金牌鋪題壁詩

金牌鋪距趙州八里有無名氏題壁云十二金牌驀  
地來將軍奉詔不疑猜金人狡獪原無比天子昏庸  
實可哀和虜議非今日定殺公端不此時開回思密  
語終宵候已見官家忌將才論古有識詩亦倜儻

壽陶宮保

陶雲汀宮保澗以十月生六旬壽時已督兩江某觀



林生隱筆 卷三  
察一聯大爲宮保所賞懸之首座其句云八州都督  
五柳先生經濟文章歷代心傳家學遠六秩初周一  
陽來復富貴壽考百年身受國恩長

黃仲則詞

黃仲則詞近髯蘇頗有鐵板銅琶唱大江東去氣槩  
集中惟步蟾宮一闕忽變體爲柔曼之音才人眞無  
所不可也其詞云一層丁字簾兒底伴繡著花兒不  
理別來難道改心腸便話也有頭沒尾蘭膏半滅衾  
如水陡省起夢中情事可憐夢又不分明怎得箇從

新作起

泰謙

漢宣帝欲以張安世爲大將軍安世曰老臣自量不  
足以居大位繼大將軍後上笑曰君言泰謙俗謂人  
辭遜者曰太謙太當作泰

鍾學士疏語

同治六年夏大旱鍾學士佩賢抗疏請納直言以資  
修省有云伏覩近者夏同善諫 幸愜王府第  
諭旨稱循舊章以折之倭仁諫修同文館 諭旨



令酌保數人另立一館以難之此二事在 聖心  
原有權衡而羣臣遂不無疑惑謂 朝廷開言路之  
時而迹似杜言者之口謂大臣盡匡弼之義而轉使  
有自危之心臆揣私度未能相喻誠恐敢言之氣由  
此沮唯阿之習由此開此臣之所大慮也奏上  
優詔容納從繩之風于今爲烈矣

論捻

胡文忠密陳河南捻匪情形一疏有云計近二年來  
每年春仲秋季兩次出巢大掠河南本年秋冬將及

湖北之襄陽漢陽德安等府又必擾入陝西山東山  
西等省再一二年駸駸而及于附畿州縣矣腹心之  
患此爲最大又云臣非僅爲襄漢等府作自保之計  
爲憂危之詞也臣極知所言越分特以臣今日言之  
已無救於河南臣再默而不言則五省均將受害使  
臣言而不中則固北路五省之福也等語第就河南  
而推論之全局在掌料事如神僅以知言目公猶淺  
也

輓陳二山聯

叔生遺筆

卷三

四



陳二山詩畫兼長而以一衿困場屋曾隨高螺舟觀  
察人鑑游琉球後以修志之役沒於西江士林惜之  
方雲泉騰輓聯云名士嘔肝修史筆故人揮淚拜羈  
魂

詠錢串子

洪洞韓春塘經詠錢串子云出身原自漚麻地一到  
人間萬事宜莫怪無端便拋卻多因不自有錢時意  
涉科譚隨園詠錢云一代帝王畱字去萬般人事讓  
兄驕詠物抑何顯切

求官詩

于清端成龍求官詩云書生終日苦求官及作官時  
步步難窗下許多懷抱事何曾行得與人看役志功  
名人見此必退一步想

女戎

桀之妹喜紂之妲己幽王之褒姒三代均以致亂故  
曰女戎洎有明之亡又有陳圓圓一人甚矣女子之  
繫成敗也迦陵過投金瀨懷古詞有云覆楚爭誇伍  
相沼吳又說西施淮陰往事亦如斯成敗皆由女子



其旨深矣

而字

昔聞一試卷文多而字房考批云當而而不而不當而而而而今而後已而已而陳文問雲曰而字如釘鉅然用之當則爲犁地土鬆而秧插矣用之不當則爲擊人迎頭一鉅未有不致死者此論最妙

張文端楹聯

張文端楹聯一云造物最忌者巧萬類相感以誠一云富貴貧賤總難稱意知足卽爲稱意山水花竹無

恆主人得閒便是主人文和公

廷玉

澄懷園語載有

人集論孟二語云約失之鮮矣誠樂莫大焉此三聯耐人諷詠

戒洋煙詩

同鄉張琴舫有戒洋煙詩六首漢陽學博徐南墅者謂有關世道人心刊入文集其詩云海舶連檣載與俱禍人泥土等金珠阿誰作俑宜無後繼此傳鐙實有徒始爲尋歡成苦趣久思沒計出迷途朝廷懲典森嚴甚關吏如何有漏租藏嬌合築避風臺高臥經



補生隱筆 卷三 六  
旬戶爛開涉世早知身是幻捫心甘與汝同灰殘更  
落月天將曙冷雨敲窗夢乍回親故交疏妻妾怨沈  
思總覺爲何來髮漸飄蕭眼漸花形骸土木骨槎枒  
頻驚下淚同歧路轉笑垂涎爲麴車病久竟無方可  
療價高非必酒能賒明明泉壤君尋去萬劫難回一  
念差破忿捐憂引睡魔百年投老此中過昏鴉片片  
飛三匝香霧濛濛占一窩舊日家曾炎海住平生緣  
結富兒多只愁漏盡鐘鳴後獨抱空囊奈爾何瓊簫  
錦瑟并橫陳玉琢金裝考製新到口便醫心上病行

雲頻見掌中身百年有盡先拌命寸鐵無鋒慣殺人  
怪底一燈青似豆夜深風雨化陰燐白榻青衾冷似  
冰蕭然情味守龕僧檐牙月黑風搖戶屏角聲低鼠  
瞰鐙寵以專房如愛妾交原同氣比良朋張衡近日  
文機澀補作圖經愧未能

李密不矜名節

晉李密常望外轉而朝廷無後命乃遷漢中太守自  
以失意懷怨及賜餞東堂詔賦詩末章曰人亦有言  
有因有緣官無中人不如歸田明明在上斯語豈然



武帝忿之免密官卒於家密真小丈夫也使當日不出豈非完名全節之人哉世每以其陳情表稱重之表中不云乎本圖宦達不矜名節是二語者實其自道也

論士大夫

李少荃爵相以內官論江蘇釐捐事復陳一疏有云士大夫習爲章句帖括輒囂囂然以經術自鳴攻訐相尚尊君庇民一切實政漠不深究誤訾理財之道爲股削妄擬治兵之人皆怙勢顛倒是非混淆名實論事則好從苛刻任事則競趨巧僞一有警變張皇失措俗儒之流獎人財敗壞因之此最可憂士大夫讀萬卷書每好苛論時政究之坐而言者未必起而行爵相之言非過激也

真總督

陝甘總督楊忠武

遇春

入覲

宣廟一日

上

忽問曰汝公事之暇尙看書乎對曰臣不識字上又曰然則飲酒乎對曰臣不善飲上曰汝將何以自遣對曰聽打鼓說書上曰聽說書固好



如公事何對曰錢穀責之藩司刑名責之臬司兵政責之提鎮臣總其成而已  
上大悅曰真總督也

禪機聯

查孝廉

伊璜

禪機聯云憑你猜拳是了是了又是了

呖真消息還在別家倩人搔背上些上些再上些喫假痛癢總歸自己語云求人不如求己儒釋一理也  
按呖字宜作唉

年大將軍詩

年大將軍功蓋一時而詩不多見僅見其題楊紫宸

小照一絕云魑魅隨身總等閒肩挑龍虎亦徒然羨君這副超凡骨不鍊金丹也是仙自是傲岸不羣

胡文忠撰聯

曾竹亭封公逝世時胡文忠與其哲嗣滌生侯相同辦髮逆挽之以聯云帝與重臣澄清江漢天雷大老笑傲扶桑措語莊雅得體

徐樹人中丞

徐樹人中丞

宗幹

詠炭句云一半黑時還有骨十分

紅處便成灰中丞以縣令起家居宦海者數十年中



間不得差事委署者凡三載所謂人情如紙薄宦情薄如紙者透達極處紛紛肉食之徒見此不啻棒喝聖人云能近取譬其中丞之謂乎

論流寇

曾侯相嘗有論曰千古流寇無良策夫流寇猶流水也迎而激之逐而搏之則橫決氾濫爲天下患但壅之使不得流賊自涸矣故九江安慶江浙直東等處長圍困賊而賊隨滅皆本乎此

茶亭飯肆聯語

湖湘間有茶亭而售酒者柱聯云爲名忙爲利忙忙裏偷閒喫杯茶去勞心苦勞力苦苦中作樂斟椀酒來見之爽然又吾鄉泉溪市新開飯肆其門聯云富似石崇不帶半文休請客辯如季子說通六國不容賒見之粲然

聖祖賜聯

聖祖賜張文端英聯云白鳥忘機任天外雲舒雲卷青春不老看庭前花落花開想見主聖臣賢賡歌颺拜極一時之盛也



北音無入聲

填詞淺說云南曲自有南方之音若遵周氏北方音叶之則歌龍爲東玉爲御綠爲慮宅爲柴落爲潦責爲哉不爲補角爲教鶴爲號聽者有不掩耳而走哉許蓮君表兄云北音無入聲惟車夫欲車行之速則呼曰嘎音同夾真入聲也舍車夫無辨之者予畱心審聽之果信

駱顛門制軍

川督駱顛門制軍

秉章

以同治六年十二月十七日

薨於位崇樸山實奏聞中有語云駱秉章因病在告每遇邊防有事無不與臣悉心籌畫往返商度至再至三若思慮不周便覺寢饋難安又云其所以能得人能制寇之故要皆推誠布公上下相感一時才俊輩出至今將帥之臣大都駱秉章拔擢而楚軍効用四方駱秉章所感起而奮興者居多是其勳名冠一時正不僅川楚士民實身受其福雖婦人孺子亦皆謳思不絕等語一筆寫來言之出於至誠者也

剔牙籤



道光閒蘇州山塘有老夫婦削柳木爲剔牙籤以此致小康似此物爲古時所無近讀趙文敏詩云食肉先尋剔牙籤則宋元時已有之矣

黑相公

京俗之冷落者號黑相公好事子詠之云萬古寒酸氣都歸黑相公打圍何寂寂應局故恩恩飛眼無專斗翻身卽輾篷忽聞條子到喜色上眉峰有湘蘭者亦黑流也友人朱君獨賞之大爲稱美後以其呼爲老頭兒朱遂大愠乃絕之寄來一詩云梨園聲價重

京師南國人來罄旅資夙債已償清興滅頭銜博得老頭兒此語蘊藉不似前作之輕薄也

野戰

上古不尙野戰而尙陣法自楊侯遇春募勇剿賊始尙野戰而陣法廢今則火器爲先精益求精無過於洋鎗洋礮是以披堅執銳之士血戰數十年不知陣法爲何物

湖口昭忠祠

彭雪琴宮保建水師昭忠祠於湖口之石鐘山門聯



云忠臣魂烈士魄英雄氣名賢手筆菩薩心腸合古  
今天地之精靈同此一山結果蠡水煙湓浦月潯江  
濤馬當斜陽匡廬瀑布挹南北東西之勝景全憑兩  
眼收來是謂氣盛則言之短長與聲之高下皆宜

李次青方伯四六

李次青方伯 元度 接統徽州防軍以代張文毅 蒞 甫  
三日而軍潰徽郡失守曾侯相恚甚奏請擬正軍法  
奉

旨從寬戍邊其實侯相深愛其才非果欲殺之也方

伯謝罪稟有云君子原愛人以德覆之而又培之宰  
相有造物之權知我何殊生我侯相援筆批其後云  
好四六好文章好才情

楊忠武公

楊時齋制軍 遇春 母李太夫人夢大水泛一紅匣至  
中雙鯉一金一赤遂生公迨年十八以乾隆己亥舉  
武科後補千總隨福文襄 康安 出兵文襄令從海公  
蘭察學兵法故公一生心折海公每逢大敵夢文襄  
必占捷教匪久亂未平有 旨切責將帥威勇侯



額公勒登保奏言楊遇春年甫四十鬢髮半白每於追奔之際足穿草履縋繩而上將士不可謂不用命矣屢以戰功擢提督封一等男嘉慶己卯八月

陞見 上見公長髯稱美者再公弟培齋逢春時

鎮曹州 特命出京紆道至曹簡閱營伍道光初

上以先朝勳舊 恩眷尤隆公遂以固原提

督總督陝甘 陞見出都命赴河南閱兵以公子

國楨任豫撫也迨回疆平公得畫像 紫光閣

御製像贊云少年從征進不知退拍馬橫矛善穿賊

隊參贊戎機克城賊潰畀以封疆無慚簡在公督陝

甘凡八載務持大綱而不涉煩瑣恪守成憲而不議

更張屢 旨褒為股肱心膂之臣並 賜有三

朝疆場宣勤久兩世封圻積慶多對聯乙未以老病

乞休令來京 陞見親加慰勞以榮其行公抵京

卽晉一等昭勇侯 御書詩扇以 賜云元勳

入覲允歸榮功立才全際太平宣力三朝邀寵錫扞

忠百戰播威名官兼文武真難邁志篤廉明永不更

晉爵酬庸延後世林泉頤養語長生歸里後構一小



亭前為箭道每逢三八五十等日督家人較射為樂  
 其楹帖云坐來覺有山林氣到此無忘弧矢心丙申  
 冬蒙 賞人濩十兩令川督鄂山賁給謝摺內誼  
 直視如手足腹心句旁 硃批誠然誠然丁酉二  
 月公薨年七十八 晉太子太傅兵部尚書諡忠  
 武 御製祭文有云憶蒼髯之矍鑠音容猶在目  
 前報黃髮以馨香眷念彌增身後功名福壽公實兼  
 之古之郭汾陽今之楊忠武也

童夫人

龔芝麓宗伯納妾顧橫波媚 龔仕 國朝當得封典  
 妻童夫人曰我於前明已受封誥願讓顧氏橫波遂  
 得受 封予謂夫人克兼三善蓋不妬為賢讓亦美  
 德而榮膺勝國不欲再受 新恩此中見大義焉宗  
 伯公能無內愧耶

陶詩

沈歸愚尚書德潛 曰過江以後淵明詩胸次浩然天  
 真絕俗當於語言意象外求之唐人祖述者王右丞  
 得其清腴孟山人得其閒遠儲太祝得其真朴韋蘇



州得其冲和柳柳州得其峻潔先生之論鉤其元矣  
是謂觀水有術必觀其瀾

四嬋娟

孟東野詩花嬋娟泛春泉竹嬋娟籠曉煙雪嬋娟不  
長妍月嬋娟真可憐其辭風華秀豔有古樂府之意  
雪嬋娟今本或作妓嬋娟非也昔楊升菴嘗令繪工  
繪此爲四時嬋娟圖以花當春以竹當夏以月當秋  
以雪當冬後之人亦有此韻事否

日本停殉

日本先世葬禮無節每有凶事例多殉埋予至其地  
見其國史紀事本末載垂仁天皇二十八年冬十月  
庚午帝母弟倭彥命薨十一月丁酉葬於身狹桃花  
鳥坂悉聚其近臣生埋之墓側數日不死晝夜啼泣  
帝聞而悲之曰以生殉死實所不忍自今以後宜罷  
之嗣皇后日葉酢媛命薨帝召臣便宜奏之野見宿  
禰乃令出雲土部一百人取埴造人馬及眾物形獻  
之帝大喜立之皇后陵側名曰埴輪又名立物深賞  
野見宿禰賜之鍛地任土部職改姓土部自是土部



氏掌天子凶儀建真利根命造石棺獻之帝賜姓名

作大連公建真利根已下姓氏錄

姦好

嘗讀康熙字典見姦字下有云高麗用中國書獨以姦為好字好為姦字見正字通予在京師遇高麗人即舉此二字以問無有不讀為本音者旋證以正字通咸怪之不知正字通何所本云然此書之所以不必盡信也

嫁

婦人謂嫁曰歸列子云國不足將嫁於衛注嫁往也是男子亦可稱嫁也婦人曰歸甯錢起詩才子欲歸甯棠花已含笑是男子亦可稱歸甯也蔣子萬機如云主失於國其臣再嫁是嫁又可訓為仕也

寓直

今世直宿公署者咸云寓直誤也按字書寓寄也寓直二字出潘岳之為武賁中郎將晉時未有將校省故寄直散騎省然則百官各當本司而直固是當直安可云寓何異坐自居第而稱僑儼也



蒙古非元遺種

人多謂邊地蒙古卽元遺種予考古今記要編曰韃  
韃與女真同種皆韃韃之後其居混同江上者曰女  
真其居陰山之北者曰韃韃韃韃之近漢者曰熟韃  
韃其遠於漢者曰生韃韃韃韃有二曰黑曰白皆事  
女真黑韃韃至忒沒真史作鐵木真今正爲特穆津卽元太祖叛之自  
稱成吉思皇帝又有蒙古國在女真東北至嘉定四  
年韃韃始併其名稱大蒙古國然則元朝乃韃韃非  
蒙古後乃襲蒙古之號耳蒙古蓋卽唐之蒙兀部亦

謂育骨子契丹事迹謂之蒙骨國按此則元與金同  
種謂爲蒙古非是

曾文正致弟書

同治三年曾威毅伯圍攻金陵於六月十八日克復  
於其家書中見五月十二日文正公致威毅伯函有  
少荃於吾兄弟處實有相親相衛之意吾意欲奏請  
少荃親帶開花礮隊洋鎗隊前來金陵會剿接弟此  
次覆信一面出奏一面函咨少荃請其迅速西來如  
蘇軍齊到成功則弟受其勞而少荃享其名卽可以



林生隨筆 卷三  
同膺 懋賞又可以暗培厚福蓋獨享大名爲折福之道則與人分名卽受福之道矣云云十六日函中又有因覆一緘商請少荃來金陵會剿細思少荃會剿金陵好處甚多其不好處不過分占美名後之論者曰潤克鄂省迪克九江沅克安慶少荃克蘇州李高克杭州金陵一城沅與荃各克其半而已此亦非甚壞之名也何必全克而後爲美名哉人又何必占天下之美名哉云云觀此則公之大公爲懷夫豈爲人所能企及哉按信所言潤卽胡潤芝迪卽李迪庵

及讀公六月初十日所致書中又有觀少荃屢次奏咨信函似始終不欲來攻金陵若深知弟軍之千辛萬苦不欲分此垂成之功誠能如此存心則過人遠矣云云李相之過人亦信遠矣可知古今之能爲將相者必有非常之德量而後措諸功施乃能卓著於古往今來之際若二公者可以見矣因亟筆之以爲後世程

打踰

本朝禮制幼輩見長者下屬見上司僕奴見主人以



一足略屈欲作拜勢謂之打跽按史記滑稽傳舂鞞  
鞠脰徐廣曰脰與跽同謂小跪也說文曰跽蹴也一  
曰卑也秦也莊緣切後漢書高句麗在遼之東跪拜  
曳一足即鄭注周禮奇拜之義為屈一膝是也此禮  
其行古之道乎

老物

世俗斥年長者為老物以為惡語非也人亦物也故  
曰人物况經中已有之周禮籥章祭蜡以息老物

俗語有本

方言土語俱有所本就所知者錄之客氣出左當家

出史不中用出史唱詠出雅對牛彈琴出禪出門看

火伴出木風聞出前細作出左枝梧出史肥肉

出孟子自己出華陽家公出顏氏爺娘出杜內子出

語喫醋出續太夫人出杜姊妹出司空打話出契

志下官出前漢書

人情三反

顧亭林先生云人情有三反彌謙彌偽彌親彌泛彌  
奢彌吝旨哉斯言最為切中時弊



張蕭亭

張蕭亭 實居 國初詩人也漁洋山人嘗刻其集卽事  
七絕云桃花乍放柳初生葉底春禽送好聲人在西  
園山翠裏斜風細雨過清明又佳句如間居云竹葉  
酒香人病後梨花月冷燕飛初海棠云細雨樓臺春  
夢靜輕風簾幙曉妝寒贈人云僕本恨人春易老君  
非遊子意何悲白丁香云人含舊恨青山外花結新  
愁細雨中情韻劇佳真不減溫郎風調也

椒生隨筆卷四

清泉 王之春 爵棠

自警箴

高伯祖中翰公諱光國字梅浦雍正乙卯科中第四  
名經魁著有自警箴云勿自足自足自畫勿多言多  
言多失勿晏安晏安氣惰勿玩物玩物志溺勿爲詭  
異以沽虛名勿矜細行以累大德勿親損友遠益友  
勿作無益害有益勿苟安於近小當志乎遠大之事  
勿欣戚於窮通當盡其在己之實顧以七年之病而



求艾於三年詎可一日之暴而寒之以十日聖學邈如望洋流光疾如過隙揭斯語於齋居用警勉於朝夕辭理樸質凡我子孫皆宜書置座右以爲身世金鍼

十分本事

紀效新書平日十分武藝臨時如用得五分出亦可成功用得八分天下無敵未有臨陣用盡平日十分本事不能從容活潑者諺云到廝打時忘了拿法本事豈易言哉予謂十分本事古難其人八分本事今

無此將戚公殆自信用得五分然以求之近世吾見亦罕矣

勝克齋宮保

同治壬戌勝克齋宮保就逮赴京道經山西橋頭驛題壁云豪華豔說五陵遊燕領何人更虎頭百戰雄心馳露布一時將略寄風流敢拌直諫扶中葉愧播虛名動九州四十鬚眉猶未老休嗟李廣不封侯玩其詩意似有功成者退之象時人謂爲讖語正不如岳襄勤鍾琪所作只因未了平生業又作封侯夢一



場二句之爲含蓄也

香奩雜詠

見詞一卷不知何人作一翦梅送別下闕云莫到臨  
邛撫素琴欲向丁甯羞向丁甯但將魂夢伴郎行郎  
也登程妾也登程鵲橋仙春恨下闕云愁腸百折雙  
眸望斷依舊天涯無信楊花飛去不飛來恰似你  
般情性情詞婉約與竹屋相近

治回良策

任尙亦俊快之才疾惡太嚴終漢之世西域不復與

中國通至 國朝聲教覃敷四夷賓服然前烏什大  
臣蘇某貪淫釀變遂勞王師自此無西顧憂者又數  
十年今則梗化如故大凡回性疑詐其言尤不能信  
卽處其同類亦然待之厚則謂人畏已待之嚴則懼  
人害已惟以簡傲加之而時施以小惠庶幾生其畏  
敬真治回良策也予昔聞西域土俗每不甚信上年  
轉運秦隴遐居邊塞逢人訪證信而有徵其餘泰西  
各國異域土俗新疆外藩紀略得爲備述

湯海秋銓部



湯海秋銓部鵬著述甚富才氣橫溢目空一世甚不  
理於眾口沒後曾侯相輓以聯云著書累百千萬言  
才未盡也得謗徧一十八省名亦隨之數言紀實寫  
盡其人

林文忠語

侯官林文忠公則徐復起督雲貴時會上論治回一  
疏中有云但分良莠不分漢回良則雖回必保莠則  
雖漢必誅使爲大臣者均克體公意以措治則滇黔  
秦隴邊釁永消何致糜餉勞師上煩宸慮耶

閑談可作楹聯

乙亥卽事有人言某君任文事兼武備之權且天分  
又高可惜少讀書某君精明果敢可惜太刻予道非  
也天分果高必知書中滋味自然篤嗜精明者知其  
事之徹始徹終當可而止何必過於搜求苛求太苦  
必致自累其身故對云少讀書便是低天分行刻薄  
眞乃大糊塗擬之作楹聯最佳

觀書穎悟

旅館挑燈檢得漢諸葛武侯誠子書讀至非澹泊無



以明志非甯靜無以致遠句憶少時壯志未除每謂天下事業功名悉成於動非澹泊甯靜四字所能該迄今閱歷名場十餘年始悟國朝用人行政井井有條無如才高意廣者好事紛更一見施行輒多格闕不數年仍罷而未罷之前滋擾已甚受害不淺殊不知大學靜而後能安之義且濃於聲色生虛怯病濃於貨利生貪饕病濃於功業生造作病濃於名譽生矯激病故不澹不能明志武侯具伊呂才宗孔孟學其平生得力處盡此二語允爲後學津梁彼世俗

以術數兵法稱其奇能何見小也偶有所悟援筆記之童子欠伸報漏已傳丁矣乃掩卷就寢

趙部郎

常熟趙寶齋

林

以進士簽分禮部丙寅年與余同事

澶淵軍中結文字緣爲人堅毅樸質精通史鑑偶作小詩句必錘鍊而出所謂無一字無來歷也送予赴秦隴一律云文才兵事兩稱豪局促轅駒愧我曹擊賊異時聞傅永飛觴此日賴枚皋邊庭好費屯田策上將甯忘借箸勞別果銷魂休灑淚看君功遂擁旌



旄

黃公疏語

黃勤慤公

鐵

歸田後蒙

賞人漫其謝

恩疏語

云老馬尙蒙芻秣朽質難勝暮年已迫桑榆夕陽尤好又云譬寒蟲之蟄處飲膏雨而頓覺昭蘇縱枯樹之婆娑遇春風而亦含生意先輩文字迴不猶人

得人

自古政以人行得人爲要人之賢否高下先觀心術再觀其才識學問如心術之邪者自必不論卽正也

而視斯民之休戚時事之得失如秦越之肥瘠漠不相關縱潔己奉公保守祿位於斯世何補近世名場可爲浩歎

水龍

天津向多火患城內外救火會凡百餘處每會以水龍爲主多寡不等原始不可考蓋古無此名也甌北詩中巽宮樓火之作有云四十三龍救不得掣水五丈力亦窮自注云救火具名水龍

張江陵



千古權姦私心必有所利若無利欲之念卽不得以  
權臣目之甌北詠張江陵云江陵至竟稱賢相只愛  
持權不愛財誠爲破的之論考江陵曾孫同儻與瞿  
忠宣式耜守桂林同被執幽之民舍兩人賦詩唱和  
四十餘日同就戮於風洞山賢者有後理固然也

老頭兒

徐楨卿翦勝紀聞云太祖嘗微行京城中聞一老嫗  
密呼上爲老頭兒帝大怒曰張士誠小竊江東吳民  
至今呼爲張王今朕爲天子居民呼朕爲老頭兒何

也相傳乾隆閒有人呼

上爲老頭子爲

上

所聞

上曰何解劉文正公對曰萬壽無疆曰老

首出庶物曰頭父天母地曰子

上粲然觀於一

怒一喜

高宗之度越明祖也遠甚

鏡花緣

小說之鏡花緣是欲於石頭記外別樹一幟者然賣  
弄稗販刺刺不休殊可厭也惟女國主婿歸迎母一  
表中四語云指白水而重耳歸來猶是山河無恙誓  
黃泉而寤生重見遂爲母子如初工雅渾成幾似宋



人佳製

甘肅需次詠

近年甘肅軍務多藉吾楚勇力卽官斯土者亦大半  
兩湖人也聞有需次者詠云數載聽鼙鼓于今盡蓋  
鍋囊中無白鏹地下有黃河飽學將焉用奇勳又若  
何不能生在楚只好見閻羅語雖鄙俚然亦足見宦  
海之苦時事之艱矣

勝敗

虎鈴經勝敗一則云用兵之術戰勝不可專專勝有

必敗之理戰敗不可專專敗有反勝之道戰勝而敗  
者有五急難定謀狐疑不決一敗也機巧萬端失於  
遲後二敗也機事不密三敗也似勇非勇似怯非怯  
四敗也主將不一五敗也戰勝而欲必勝者定謀貴  
決機巧貴速機事貴密進退貴審兵權貴一也勢敗  
而反勝者有四吏士饑渴所愛啗之割所愛者謂在  
急難之中殺所  
乘駿馬愛妾  
以啗士也眾有飽之用矣吏士恐懼奮身先之眾  
有勇之用矣期應不到殺其所昵所昵者謂所嬖倖  
或子弟諸姻同在  
軍中若有主守者  
犯命則先殺之也眾有懼之用矣人有疑惑陰爲鬼



詐鬼詐者謂詐為狐鳴叢祠中之類也或假託卜筮百端不一眾有天之用矣謂天  
 授也如是者以敗為勝也勝敗之術非勇決神智安  
 能行之邪所論可謂深切著明而四用皆據前人成  
 效而言尤非漫為紙上談者

秦檜無後

秦檜無後以妻王氏兄子為子名燧有才華舉進士  
 賜狀元及第人謂錫山秦氏為檜後不知天已斬其  
 祀矣

軍營積習

朝邑閻丹初中丞敬銘跋胡文忠集云吾聞江南未  
 敗時和鄧諸帥錦衣玉食倡優歌舞其廝養皆賤紈  
 綺吸洋煙莫不有桑中之喜志溺氣惰賊氛一動如  
 菌受斧然則固有履危險而仍不知懼者矣如文忠  
 能幾人哉等語痛揭軍國受病之由近日軍營積習  
 大率類是

忍

魏無忌忍於執轡而成破秦存趙之功張子房忍於  
 取履而伸破秦滅項之志張釋之忍於結鞶而受全



身脫禍之福古人書百忍於坐隅良有以也予又曰  
忍字頭上一把刀如刃刺心其功夫最不容易

廬州人物

廬州人物之盛明初則巢縣有楚國公廖永安虢國  
公俞通海合肥有蔡國公張得勝無爲有永義侯桑  
世傑皆著精忠大節今則合肥節相督師以來名將  
名臣聯翩而起地靈人傑良非偶然

詠太宗

友人詠唐太宗云弒兄殺弟納弟婦此人直無一好

處史冊彰彰究何故出來誼辟數貞觀古今人豈不  
大誤試看君位篡皇隋功歸於己罪歸父昭陵獻陵  
欠分明知望其妻不望其母君不見果報昭然僞臨  
朝武此真是太宗實錄句亦奇崛

傲骨

戴氏鼠璞云唐人言李白不能屈身以腰閒有傲骨  
然不爲五斗米折腰傲骨孰有如淵明哉陶之傲高  
而傲也李之傲狂而傲也謫仙其第二流歟

獨睡丸



稀翁漫筆云獨睡丸是養生良藥然經言八十非人不煖九十雖得人不煖是養生不必定獨睡丸也隨園有曰半生非病不孤眠使獨睡而胡思亂想耗精費神仍為無益伊川曰坐中有妓心中無妓孟子曰養心莫善於寡欲惟治心實為萬全之劑能治心矣即不獨睡亦復何損

慈訓

歐陽文忠母鄭太夫人嘗以崇公治簿求生與祭豐不如養薄之言語文忠勗子以仁孝也北魏高恭之

死其妻謂諸子曰自我為汝家婦未見汝父一日不讀書勗子以文學也慈訓各得其要以視孟母何多讓焉

郝方伯

壽陽郝方伯

宿藻

為春浦相國

雋藻

之弟戊戌翰林

累官江甯布政使性廉正尙風節不失書生面目癸丑髮逆犯九江陸立甫制軍建瀛遁回金陵賊得長驅而入方伯與陸遂大齟齬正色面詬賊勢日橫陸困守不出戰方伯憂憤咯血日夕繞案而行咯血升



餘飲其鄉汾酒一巨觥且略且飲故城未破而身先殞也惜哉

嚴西園語

吾楚嚴西園先生宦秦作令幾廿年官績循聲治行第一嘗曰長官之於屬吏必當揚善公廷規過私室胡文忠稱其言之仁為長官者宜書紳以自勉焉

臺諫取貌

成化二十一年進士敖毓元應星變求言之疏有云邇年以來選擇之際皆取其軀體之魁梧丰姿之俊

偉略不問其才識之如何夫惟選卒伍者以強壯為尙然則臺諫豈卒伍之地言職豈執殳之役哉我朝言官非由京察擢陞即由考取遞補惟大挑舉人或取儀表耳臺諫言職徒以貌取此明季所由速亡也

無雙譜補

無雙譜補為康書臣大令所輯共三十人各綴一詩題如古樂府然語多奇剗洵可傳也備錄之盜秦判

呂不章

進食歎

漂母

王命論

新城三老董公

小兒語

外黃舍人兒

御王



歸廝養五百人田橫雛鳳曲上官班師樂趙充國神仙尉

梅卒食粟嘲巨無霸遼東帽管甯漁陽過彌衡當塗識曹操文選

樓蕭統夜更郎山陰公主重作后羊后酒德頌劉伶奇而正徐宏

海上客虬髯公三俠圖崑崙奴後庭花雙伶梅鶴吟林逋援

桴鼓梁紅玉冬青樹唐珣蓮花落乞兒拒龍操徐達金甌破

補鍋平章僧姚廣孝忠義旗秦良玉刺虎行費宮人并錄其

至佳之作如五百人云秦漢之際外有趙佗內有田橫彼高帝者何以王業獨成試看沙中之將多謀叛海島五百人無一生讀史莫將成敗論若田將軍者

不但仇漢之項羽輸其死即事梁之錢鏐亦不得齊其名猗歟休哉堯之後有劉謚舜之後有田橫漁陽搗云鸚鵡一賦便名洲章陵太守為低頭黃祖之子能好士乃父真可謂犁牛劉表枉自稱俊物盍加禮貌委曲留齋送狂生入虎口無怪豚犬失荊州漁陽三搗忿罵賊荀文若輩皆堪羞假使曹操當時便殺卻豈非三國第一流惜乎阿瞞不肯成人美致令先生一命徒然休海上客云太原公子氣非常心折人閒自有王項羽比君輸一著不將天下讓劉邦三俠



圖云朱門深鎖重重錮奴號崑崙大有才十五月明  
 無犬吠廣寒飛下美人來金甌破云自恨天難補人  
 皆金底游多君好百姓十族共千秋刺虎行云荆軻  
 聶政為人報仇彼男子兮名千秋宮人費氏一女流  
 女能殺虎斷虎喉可惜大才還小用不得手刃元兇  
 頭吁嗟乎不得手刃元兇頭閣部拜倒平西羞

楚北無雙譜

書臣楚北人也又著楚北無雙譜共二十六人綴詩  
 如之而詩之奇峭亦如之博采不易雙絕堪稱亦備

錄如左於菟謠令尹文秦庭泣申包胥吳市簫伍員漁中人

江上滄浪歌滄浪孺子懷沙賦屈原接輿歌楚狂斑衣舞老萊子

山水音鍾子期漆園吏莊周琵琶怨昭君九齡讓黃香輓不輟

漢濱探藥去龐德公一心咒孟宗哀江南庾信江中言張柬之

浣花堂杜甫鹿門歌孟浩然品茶經陸羽泥金帖馮京忠奸辨

張居正効魏書楊健絕命詞熊廷弼教諭語賀逢聖杖痕斑熊開

元並錄其詩之至佳者如於菟謠云喜愠不形於色

惟存憂國深心雖日籠中乳虎卻含鸞鳳好音子曰

忠矣冠絕古今斑衣舞云歡承膝下斑舞堂前老而



不倦愉色藹然大人者不失其赤子之心者也老萊子有焉哀江南云北國徒悲新歲月荊州定憶舊田廬哀江南賦多幽豔惜是昭明未見書江中言云則天之際可以無狄梁國不可無漢陽梁國雖心乎唐而死之日尙爲武漢陽雖害于武而死之日已爲唐惜除惡不盡反受其殃論人者當略其短而取其長若漢陽王可謂于大節無傷鹿門歌云風流澹遠自成家放棄歸來豈遂差身隱不逢天寶亂憐他李杜困天涯絕命詞云可惜復可惜

先生絕命詞首句

言之不勝

悲忠臣豈懼死遼事無人爲公死關氣數禍福豈尋常今雖數百載姓氏有餘芳公昔不遇害豈遂不死乎參透此中意含笑付頭顱更有甚焉者不死更誰譽史官書之曰墮功老尙書殺我乃成我一時而千秋試問諸賊黨今日尙在不作此相弔慰知非所樂聞名畱而事去何以報吾君教諭語云賀公死節不足異不死亦必玉石焚上梁之文非我作異在不入西廡羣此公之高節而人所不聞國亂才難見身修志克勤昔先生嘗曰十年宰相不如七年廣文



三二陸三王衰

晉陸士衡機士龍雲陳陸温玉琰幹玉瑜宋陸子壽

九齡子靜九淵皆以文衡顯於時號二陸漢王衰字

子淵晉王衰字偉元周王衰字子深三人皆有文學

本朝崑山徐氏同胞三鼎甲錢唐許氏七子登科

兩子成龍同時為名臣尤千古美談也

黎中丞聯

黎簡堂中丞培敬以名太史督學黔中時苗民逆命

停考多年公按臨所過皆逆苗巢窟調營勇招生童

因勢利導以次收復較前數學使之不知兵者相去  
霄壤所謂隨陸絳灌兼而有之 天子嘉其功旋

命分藩開府用人行政靡不權衡至當卒以廓清黔

境屢接其言論丰采精明渾厚殊有古大臣風其撫

署廳事嘗自題聯云任百務之紛乘於曲盡人情之

中仍權至理惟一心之默運必克去己私而後方見

大公又人苦不自知願諸君勤攻我短弊去其太甚

與爾民率由舊章兩聯語意鞭辟入裏殊堪矜式官

僚非深於學養何從語此錄之以風有位者



衢州聖裔

衢州孔氏實爲大宗以先墓多在曲阜乃讓公爵於弟衢宗式微至 國朝登鄉薦者僅一人同治八年學使徐樹銘請照山東鄉試每科取中四氏學耳字號三名之例亦編耳字號十名取中一名零數過半加中一名仍不得過三名定限見邸鈔

本朝進士舉人之始

本朝開科進士第一人爲傅以漸人皆知之不知太宗文皇帝用范文程議特選士於盛京第一名者

爲沈文奎字清遠浙江會稽人世居曹娥邨客游遵化大兵破城挈之行受知登第充祕書院纂修官順治九年扈從入關累官至兵部尙書舉人亦不自順治年始天聰八年明崇禎七年命禮部考取通滿洲蒙古漢書文義者爲舉人十六名各賜衣一襲免四丁宴於禮部此我朝取士之始也

六語

古今之爲語者六曰諺曰謠曰讖曰諧曰譏曰讒意雖不同而迹則易混如大學故諺孟子夏諺之類此



諺語也如屢弧箕服實亡周國之類此謠語也如亡秦者胡劉氏復起李氏當王之類此讖語也如優孟諷漆城優旃諫葬馬之類此諧語也如既定爾婁豬盍歸吾艾緞之類此譏語也如麥麴庚癸之類此謔語也楊升庵作古今諺古今謠似矣然諺中雜謠雜諧如狐非狐貉非貉之類謠而雜於諺也如左相宣威沙漠右相馳譽丹青之類諧而雜於諺也謠中雜讖如論語比考讖天監誌公詩讖陸法和書讖讖而雜於謠也似當釐正各從其類為六語

朝鮮始末

唐虞夏商有朝鮮者世號檀君是為前朝鮮因武王封箕子於此檀君乃自平壤移白嶽隱而終今安平府城尚有箕子區畫井田遺跡傳四十一代與周終始是為中朝鮮箕準為箕子四十一代孫而燕人衛滿奪其地都王險城即平壤其孫右渠為漢武帝所滅以王險為樂浪郡是為後朝鮮三朝鮮皆都平壤皆負華山亦名面嶽亦名三角山南襟漢江左控關嶺右環渤海及漢置四郡二府自是三韓瓜分厥後新羅高句



林生隱筆 卷四  
驪百濟三國鼎峙唐高宗滅其地不能守新羅遂并  
之及其季也弓裔據鐵原稱後高麗甄萱據完山稱  
後百濟及高麗始祖統合三韓西北抵鴨綠東北界  
先春嶺至唐獻王建都漢陽定爲八道中曰京畿西  
南曰忠清東南曰慶尙南曰全羅西曰黃海東曰江  
原西北曰安平東北曰咸鏡八道惟忠清慶尙全羅  
三道廣阜殷富文學秀良安平咸鏡二道境接靺鞨  
騎射精強於中國藩服最爲聲名文物者皆朝鮮志  
所載其書二卷明代朝鮮人自述惜書不多未能詳

紀也

周元錢

古錢之行於今世者最少莫如周元錢得之者若獲  
至寶云是錢可以避鬼按五代史周紀曰世宗卽位  
之明年廢天下佛寺三百餘所時國中乏錢詔悉毀  
銅佛以鑄錢又蘇耆開譚錄曰世宗於後殿設鑪數  
十親觀鼓鑄言能避鬼者殆以錢爲銅佛所鑄也又  
李孝美謂其文曰周通元寶今皆稱爲周元錢製與  
唐之開元錢同背有光幕亦有摺文及星文者又有



言一品幕作龍鳳形者可以塞地下泉穴不知果否  
人一見卽爲珍藏所以不多有於行用也

張仙

今世婦人急於得子者往往於臥室內供張仙像作  
彎弓欲發狀俗謂射死天狗星則宜男矣按花蕊夫  
人入宋私繪蜀王孟昶像祀於宮中太宗見而問之  
詭其詞曰張仙云祀之可以宜男吳縣蔣國源題孟  
昶像云錦江花草化春煙蜀主風流絕可憐贏得美  
人懷舊寵趙家宮裏祭張仙詠其事也爲所惑者當

爲返然矣

俄羅斯通中國之始

俄羅斯國其地衰絡滿洲蒙古新疆衛藏之西北境  
與中國相首尾其國都在大西洋而東接黑龍江者  
特其邊鄙耳自古不通中國漢書丁令在北海上唐  
書骨利幹國居瀚海北地北距海其卽今俄羅斯境  
域乎元史稱阿羅斯地南去大都萬餘里其地之長  
僅千有四百里廣半之則初境狹小尙不及今俄羅  
斯十分之一其與中國交兵通盟聘皆自康熙二十



餘年之察罕汗始察罕汗以前二十三世曰伊番瓦什里玉特者始稱汗於元明之際故至康熙五十二年爲其國三百五十餘年也

竈神

羣碎錄云竈神姓張名禪字子郭一名隗夫人名卿忌又引五經異義云竈神姓蘇名吉利夫人姓王名搏頭

東南民力之困

李直齋言東南民力之困始於元因循於明至 國

朝遂成積重難返之勢何以言之蓋農事始於神農稼穡教自后稷皆西北方人迨戰國時孟子所論五畝之宅云云皆可行於齊魯燕趙之區彼時江以南吳楚等國不過自耕自食未必兼濟北地三國分爭南北朝割據各守疆圉益不能以南濟北唐劉晏轉漕淮南以供關內乃一時之策及黃巢作亂五代遞更宋都汴梁此事亦置不講南宋偏安一隅制於強金亦不過歲納金幣未聞運送米穀可見河南北山左右以至燕代尙皆力田藝桑無藉乎東南之供億



惟元室混一區宇官廩有漕粟民間通貿易疆界無分道途順適相習於怠惰不講溝洫之利所謂耕者僅高粱小麥所謂織者僅山中野繭不適於口體至養命之原則全取給於江浙等省故其男丁弱者爲驛卒設飯肆或爲人趕車强者爲響馬爲捻匪以劫掠爲事而東南半壁支天下全局力有未逮設遇水旱偏災或經寇據在南者又增軍興之費在北地者衣食之途不通益流而爲盜將何所措手足耶有治人無治法自古皆然可勝歎哉

姓氏辨

姓氏之辨似今人勝於古人然古人不言姓而姓甚明今人動輒述姓而姓無別何也今所重者氏也非姓也如孔子爲殷後姓子以孔嘉父之後而氏孔出子姓者尙有湯宋殷等姓自以氏爲姓而此數姓爲婚不禁焉他如陶姚唐共出於堯虞陳胡共出於舜蔣邢茅韓周邵魯滕皆出於姬姓如此之類不一而足誰能辨之嘗謂古人姓少而有別今人姓多而無別近世八旗姓氏頗有古風或以所居之部落或以



八旗之本姓秩然不紊惜其所謂姓者已在分姓而  
姓之後溯厥源流仍不復古

古人名氏

孫叔敖名饒見漢隸字原崔豹字正熊見竹坡詩話  
宋玉字鹿溪見秋雨菴隨筆皆古書中所不詳者也



